



Clypeus Theologiæ Thomisticæ

In Tres Partes Divisus, Et Quinque Volvminibvs Comprehensvs

[Tractatus de attributis, de visione beatifica, de scientia Dei ac de ejus voluntate et providentia]

Gonet, Jean-Baptiste

Coloniæ Agrippinæ, 1671

§. II. Solvuntur objections

[urn:nbn:de:hbz:466:1-77132](#)

ARTICULUS IV.

An lumen gloriae sit habitus, omnibus aliis supernaturalibus perfectior?

§. I.

Duplici conclusione difficultas resolvitur.

Dico primum: Lumen gloriae ut est in beatis, est habitus, habens tamen modum potentiae. Est contra Cabreram & Ledesnam, assertores illud esse simpliciter potentiam. Colligitur tamen ex D. Thoma hic art. 5. ad 1. dicente: lumen gloriae esse necessarium, sed hoc quod intellectus sit potens ad intelligendum, per modum quo potentia sit potentior ad operandum, per habitum.

Ratio etiam id statuet: Licet enim spiritualis potentia, ab extrinseco adveniens, possit esse in intellectu tanquam in subjecto: sicut de charitate docet D. Thomas 3. parte, quæst. 63. art. 4. ad 2. & 3. ut tamen aliquid sit potentia, debet esse indifferens ad bene vel male operandum. Nam per hoc distinguitur per se potentia ab habitu, qui determinate ordinatur ad bene operandum, ut patet in virtutum habitibus, vel determinate ad male operandum, ut constat in habitibus vitiis. Unde D. Thomas ibidem art. 2. in argumento *sed contra*, probat characterem esse potentiam, & non habitum, quia nullus habitus est qui posset ad bene & male se habere: character autem ad utrumque se habere, utinam enim est quidam bene, aly vero male. Atqui lumen gloriae non est indifferens ad bene vel male operandum, sed determinate datur, & ordinatur ad Deum clarè cognoscendum, & videndum, quod est recte operari. Ergo non est potentia, sed habitus. Ad do quod si esset simpliciter potentia, effector ratio agendi, sicut alii potentiae naturales; & consequenter intellectus creatus merè passivè se haberet ad visionem beatificam: quod non potest dici, ut infra ostendemus.

Quod autem lumen gloriae habeat modum potentiae, constat: quia ut docent Theologii in tractatu de gratia, habitus supernaturales in hoc distinguuntur a naturalibus, quod non supponunt potentiam proximam ad agendum, sicut habitus naturales, sed illam tribuunt: unde illi non dantur solum ad facilius, sed etiam ad simpliciter posse, & habent modum quemdam potentiae: Ergo quamvis lumen gloriae ut est in beatis, non sit simpliciter potentia, sed habitus, habet tamen modum quemdam potentiae.

Confirmatur: Supremum insini attingit infinitum supremi, ut docet Dionysius. Sed lumen gloriae, & alii habitus supernaturales, sunt superius inter omnes habitus: Ergo attingunt aliquo modo rationem potentiae, saltem quantum ad modum. Dixi autem lumen gloriae, ut est in beatis, esse habitum habentem modum potentiae; quia illud quod communicatum fuit D. Paulo in raptu, non habuit rationem habitus, sed auxilii, vel dispositionis transiuntis, ut supra vidimus ex D. Thoma.

Dico secundum: Lumen gloriae esse minùs perfectum gratiæ sanctificante: esse tamen nobilius & perfectius charitate.

Prima pars conclusionis est contra Gonzalem hic disp. 28. sect. 1. et tamen communior apud Thomistas, & sequitur ex principiis à no-

A bis statutis Tractatu precedentem, agentes de constitutivo naturæ divinae. Ibi enim ostendimus, quod licet gratia sanctificans, & lumen gloriae, participant gradum divinæ intellectualitatis, diversimode tamen: nam gratia illum participat, ut habet rationem naturæ; est enim principium radicale virtutum infusarum, sicut natura divina est eminenti quodam modo radix divinorum attributorum; lumen vero gloriae participat intellectualitatem divinam, per modum principii proximi intelligendi: Sed participatio divinae intellectualitatis per modum naturæ, est perfectior participatione per modum virtutis, & principii proximi ad intelligendum: Ergo gratia est perfectio lumine gloriae.

Confirmatur: Id quod se habet per modum substantiae & naturæ in ordine supernaturali, est perfectius illud, quod se habet per modum proprietatis connaturaliter debita: Sed gratia sanctificans est quasi substantia & natura in ordine supernaturali, lumen vero gloriae se habet tanquam proprietas, illi connaturaliter debita, & ab ea fluens per simplicem emanationem, sublatis impedimentis via; sicut gloria Corporis Christi, sublatis via impedimentis, orta est per simplicem resultantiā à gloria anima ejus: Ergo gratia sanctificans est perfectior lumine gloriae.

Confirmatur amplius: Perfectius est principium radicale, quātū proximum operationis, ut patet in essentia animæ, & ejus potentia: Sed gratia est principium radicale visionis beatæ: juxta illud Apostoli ad Roman. 6. *Gratia Dei vita aeterna*; lumen vero gloriae est principium proximum & immediatum: Ergo gratia est perfectior lumine gloriae.

Secunda pars, quæ docet lumen gloriae esse perfectius charitate, probatur: Tum quia lumen gloriae habet actum omnium perfectissimum, scilicet visionem beatificam, quæ ut dicemus in Tractatu de beatitudine, est perfectior amore beatifico, & id in quo beatitudo, essentialiter consistit. Tum etiam quia lumen gloriae participavit proximam intelligendi Dei, quæ est perfectior voluntate & amore Dei, qui à charitate participatur; cum gradus intellectivus sit naturæ divinae constitutivus, & voluntas se habeat per modum attributi, & proprietatis ad illum consequentis.

§. II.

Solvuntur objectiones.

Obijctus primò contra primam conclusio-
nem. Aetus supernaturalis exigit connaturaliter potentiam supernaturalem a qua elicatur, cum actus & potentia debeant esse ejusdem ordinis: Sed visio beatifica est supernaturalis: Ergo exigit connaturaliter elicere à potentia supernaturali, quæ non potest esse alia, quam lumen gloriae.

Respondeo distinguendo Majorem: dicit ordinem ad potentiam supernaturalem entative, & quantum ad substantiam, nego: supernaturalem accidentaliter, & per elevationem, concedo. Unde hoc argumentum solum probat, quod visio beatifica non dicit ordinem ad intellectum creaturæ, nudi sumptum, & secundum sua naturalia consideratum, sed ut elevatum per lumen gloriae, quod est pars patrio quadam divinæ intellectualitatis, & dispositio necessaria prærequisita, ut uniatur essentia divina, ut speciei & forma intelligibili, sicut ante expusimus.

Obj.

44 Objicies secundò contra secundam conclusionem. Illud quod habet rationem mediæ, & dispositionis, est minus perfectum eò quod habet rationem termini, & finis, ac ultimæ formæ: Sed grātia sanctificans, & alia dona supernaturalia, se habent respectu visionis beatæ, sicut media ad finem, & dispositiones ad formam ultimam; unde gratia vocatur a D. Thoma 2.2. quæst. 24. art. 3. ad 2. quædam inchoatio gloriae in nobis: Ergo gratia est minus perfecta quam visio beatifica, ac proinde quam lumen gloriae, quod est principium proximum & inmediatum illius.

Respondeo distinguendo Majorem: Illud quod habet rationem mediæ, est minus perfectum, eo quod habet rationem ultimi finis, objectivi, concedo: formalis, nego. Similiter distinguo Minorem: se habent sicut media ad finem, formalem, concedo: objectivum, nego.

Explicatur: Visio beatifica est solum finis ultimus ac beatitudo formalis, quia est consecutio ultimi finis, ut docet D. Thomas 1. 2. quæst. 3. art. 8. ad 2. Quod autem ad finem qui est consecutio ordinaria, non opus est, et sit illo imperfectius: sicut nec unumquodque quod est propter suam operationem, oportet esse imperfectius illa, aut eius principio effectivo proximo.

Ad aliud quod additur, dicendum quod gratia dicitur inchoatio gloriae, aut semen illius, vel dispositio ad illam; non quia sit ei imperfectior, sed quia illam virtute continet, tanquam principium meriti de condigno vita æternæ; nam ut ait D. Thomas quæst. 29. de verit. art. 6. Meritum est causa præmij secundum reductionem ad causam efficientem, in quantum meritum facit dignum præmium, & per hoc ad præmium disponit.

ARTICULUS V.

Quomodo concurrat intellectus lumine gloriae elevatus ad visionem beatificam, an ut causa principalis, vel instrumentalis?

§. I.

Premittitur quod apud omnes est certum.

Upono tanquam certum, & ab omnibus re Theologis contra Nominales receptum: Deum non producere visionem beatificam in intellectu beati, ipso merè passivè se habente, sed intellectus creatum lumine gloriae elevatum, activè in eam influere.

Ratio fundamentalis est, quia visio beata est actio vitalis: Ergo debet activè procedere ab intellectu creato, lumine gloriae perfusio. Consequens patet: in hoc enim differt natura vivens ab inanimata, quod illa se moveat ab intrinseco, & est principium activè influens in suas operationes; altera vero solum ab intrinseco moveatur, & in se recipit motum ab alio productum. Antecedens vero probatur primò, quia in Scriptura, beati videntes Deum dicuntur vivere vitam æternam; juxta illud Joan. 17. Hac est vita eterna, ut cognoscant te Deum verum. Secundò, quia videre Deum est intelligere, & cognoscere illum ut in se est: Sed intellectio & cognitio, actio vitalis est, ut constat; sicut esse intellectivum & cognoscitivum, dicit gradum vita perfectissimum: Ergo visio beatifica, actio vitalis est.

Tertiò, Sicut gratia habitualis est participatio vitalitatis divinae per modum radicis, ita etiam

A lumen gloriae est formalis participatio vita diuinæ per modum principij proximi: unde sicut homo justus, per gratiam & charitatem vivit vita supernaturali, & beatus, videndo Deum vivit vitam æternam & beatam.

Confirmatur primò ex Tridentino *6. can.* 45 definiens, liberum arbitrium non se habere merè passivè in ordine ad actus quibus ad justificationem disponit: Sed non alia ratione, ad actus prædictos non comparatur merè passivè liberum arbitrium creatum, nisi quia sunt vitales, & consequenter debent procedere ab intrinseco: Ergo cum visio beatifica vitalis sit, debet etiam a principio intrinseco activè concurrens procedere.

Confirmatur secundò: Si beati nihil agerent in visione beatifica, frustra daretur eis lumen gloriae, frustra essentia divina eorum mentibus uniretur per modum speciei imprevisa & expressa: ad quid enim illa visionis beatæ principia, si nullam eliciant intellectu, sed merè passivè se habeant? Et si Deus tantum in illis, & non per illos operatur, ad quid elevatur eorum intellectus? Hoc præsupposito tanquam certo, inquirunt Theologi modum quo intellectus lumine gloriae elevatus, activè influit in visionem beatam, ut causa principalis, vel instrumentalis.

§. II.

Difficultas resolvitur.

Dico igitur: intellectus creatus, lumine gloriae perfusus, producit efficienter visionem beatificam, ut vera causa secunda principalis, & non ut merum instrumentum Dei. Est contra Suarez lib. 2. de attrib. cap. 16. Vazquem, & alios recentiores. Est tamen D. Thomas 2. 2. quæst. 2. art. 2. & quæst. 24. de verit. art. 1. ad 5. & omnium Thomistarum.

Probatur primo conclusio: Nam ut docet S. Thomas loco ultimo citato, causa instrumentalis est illa, quæ ita moveatur ab aliquo agente intrinseco, ut tamen seipsum à principio intrinseco non moveat; ut constat in sera, malleo, & aliis instrumentis artificialibus: Sed intellectus creatus, lumine gloriae perfusus, non ita moveatur à Deo ad visionem beatificam, ut seipsum à principio intrinseco non moveat: Ergo non concurrat ad illam per modum instrumenti, sed per modum causa principalis. Major patet, Minor probatur. intellectus videns Deum, vitaliter operatur, & vivit vitam æternam & beatam, ut ostendimus §. præcedenti: Sed de ratione causa vitalis, & vitaliter operantis est, quod se moveat ab intrinseco, ut docent Philosophi in libris de anima: Ergo intellectus videns Deum, moveat se ab intrinseco ad visionem beatificam.

Probatur secundò: De ratione instrumenti propriè sumpti est, ut elevetur extra latitudinem sui objecti ad aquati; ut constat in aqua baptismali, quæ elevatur ad producendam gratiam, quæ est extra latitudinem objecti ad aquati cuiuscunque agentis creati: Sed intellectus creatus in visione beatifica non elevatur extra latitudinem sui objecti ad aquati; ut patet ex dictis in prima disputatione nbi ostendimus, quod licet Deus clare vides, non contineatur intra objectum concentricale & proportionem, cum intellectus creatus, continetur tamè intra latitudinem objecti ad aquati illius, quod est ens ut sic, analogicè commune Deo & creaturis: Ergo intellectus creatus, lumine gloriae perfusus, non concurrat instrumentaliter